



Møtebok

for

Råd for menneske med nedsett funksjonsevne

Møtedato: 24.10.2017
Møtested: Kommunestyresalen
Møtetid: 12.30

Møtedeltakarar	Parti	Rolle
Jannicke Helland		Utvalsleiar
May Britt Vågenes Gjerde		Nestleiar
Johannes Kolås		Medlem
Berly Hella		Medlem
Anna Hella Kartveit		Medlem
Mai-Liss Sylta Møn		Medlem

Andre møtande: Kommunalsjef Mette Fauskanger, ruskoordinator Elin Skråmestø Hinriksson, økonomisjef Sveinung Kvamme, møtesekretærer Anne Dahle Austrheim og Arthur Kleiveland

Det var fellesmøte mellom eldrerådet og rådet for menneske med nedsett funksjonsevne, før dei to råda gjekk kvart til sitt for vedtakssaker.

Underskrifter:

May Britt Vågenes Gjerde
Møteleiar

møtesekretær

Sakliste

Saknr	Tittel
012/2017	Godkjenning av innkalling og saksliste
013/2017	Godkjenning av møtebok
014/2017	Meldingar og referatsaker
015/2017	Kulturminneplan - høyring
016/2017	Universell utforma badeplass

Radøy kommune

Saksframlegg

Saknr	Utval	Type	Dato
012/2017	Råd for menneske med nedsett funksjonsevne	PS	24.10.2017

Sakshandsamar	Arkivsaknr.:	Dokumentnr.:
Arthur Kleiveland	17/1994	17/12421

Godkjenning av innkalling og saksliste

Saksopplysingar:

Administrasjonen sitt framlegg til vedtak:

Innkalling og saksliste vert godkjend.

Råd for menneske med nedsett funksjonsevne - 012/2017

RMNF - handsaming:

Rådet godkjende innkalling og saksliste.

RMNF - vedtak:

Innkalling og saksliste vert godkjend.

Radøy kommune

Saksframlegg

Saknr	Utval	Type	Dato
013/2017	Råd for menneske med nedsett funksjonsevne	PS	24.10.2017

Sakshandsamar	Arkivsaknr.:	Dokumentnr.:
Arthur Kleiveland	17/1994	17/12420

Godkjenning av møtebok

Saksopplysingar:

Møtebok frå 18. mai 2017 vert lagt fram til godkjenning.

Administrasjonen sitt framlegg til vedtak:

Møtebok vert godkjend

Råd for menneske med nedsett funksjonsevne - 013/2017**RMNF - handsaming:**

Rådet godkjende møtebok frå førre møte.

RMNF - vedtak:

Møtebok vert godkjend

Vedlegg:

Møtebok - råd for menneske med nedsett funksjonsevne 18_mai_2017

Radøy kommune

Saksframlegg

Saknr	Utval	Type	Dato
014/2017	Råd for menneske med nedsett funksjonsevne	PS	24.10.2017

Sakshandsamar	Arkivsaknr.:	Dokumentnr.:
Arthur Kleiveland	17/1994	17/12407

Meldingar og referatsaker

Saksopplysingar:

Det vert lagt fram følgjande meldingar og referatsaker:

- Budsjett 2018 – orientering v/økonomisjef Sveinung Kvamme
- Omsorgs-/velferdsteknologi – orientering v/kommunalsjef Mette Fauskanger
- Bustadsosial handlingsplan – orientering v/kommunalsjef Mette Fauskanger

Administrasjonen sitt framlegg til vedtak:

Meldingar og referatsaker vert tekne til orientering

Råd for menneske med nedsett funksjonsevne - 014/2017

RMNF - handsaming:

Innspel til budsjett for 2018:

På møtet i Råd for menneske med nedsett funksjonsevne 24.10.17 orienterte økonomisjef Sveinung Kvamme om kva føringar framlegg til statsbudsjettet gir for Radøy kommune sitt budsjett for 2018. Pris- og lønsveksten er i statsbudsjettet anslått til 2,6%. For Radøy kommune aukar rammetilskot og skatt frå 284,4 mill i 2017 til 290,1 mill i 2018, ein vekst på 2%, altså mindre enn prisveksten.

Rådet drøfta saka og kjem med følgjande innspel til budsjettet:

- Det må leggst til rette bade plass for rørslehemma (universell utforming og tilkomst)
- Det må monterast handikap-inngang til kommunestyresalen. Ordninga med heis er ei dårleg og usikker løysing for rullestolbrukarar
- Det er behov for brukarstyrt heis i terapibassenget i Radøyhallen
- Det er behov for breiare badestige i terapibassenget, for å gjera tilgangen lettare for rørslehemma
- Det er viktig å få ut informasjon til alle husstandar om velferdsteknologi

Ruskoordinator: Elin Skråmestø Hinriksson er tilsett som ruskoordinator i ei toårig prosjektstilling i Radøy kommune. Stillinga er knytt til tenesta Psykisk helse og rusteneste.

Hinriksson presenterte seg og fortalde om arbeidet sitt. Ho sa at det er sterkt behov for eit auka fokus på rusområdet, også knytt til rus og psykiatri. Ruskoordinatoren yter direkte pasientretta tenester og koordinerer ulike tenestetilbod opp mot andre kommunale og offentlege instansar.

Bustadsosial handlingsplan: Kommunalsjef Mette Fauskanger orienterte om planarbeid innan helse- og omsorgssektoren. Denne planen skal leggst fram til politisk handsaming i løpet av første kvartal 2018, og tiltak i planen vil bli starta i løpet av neste år. Arbeidet med ein overordna helse- og omsorgsplan er også i startfasen.

OMSUT: Kommunalsjefen orienterte om gjennomgang av tilbodet knytt til OMSUT - teneste for omsorg og utvikling. Mellom anna er det igang eit prosjekt innan pasienttryggleik i Prestmarka, eit tiltak som vil halda fram også i 2018. Parallelt er det sett igang eit utviklingsprosjekt for heile OMSUT, der arbeid med kompetanse og kvalitetssikring er to av fleire tema.

Pårørandeskulen: Radøy kommune har arrangert pårørandeskule for dei som har demente i familien. Kommunalsjef Mette Fauskanger opplyste at interessa for å vera med på pårørandeskulen var så stor at det ikkje var plass til alle som ønskte å vera med. Kommunalsjefen fortel om svært gode tilbakemeldingar på opplegget, og sa at det blir vurdert å ha pårørandeskule også neste år.

Kommuneoverlege: Kommunalsjefen informerte også om at Radøy kommune har inngått samarbeidsavtale med Meland kommune om at kommuneoverlegen i Meland, Tord Moltumyr, frå 1. november 2017 skal vera kommuneoverlege i 20 prosent stilling i Radøy.

Velferdsteknologi: Kommunalsjefen orienterte om eit fellesprosjekt i velferdsteknologi mellom ti kommunar i regionen. Prosjektet har fokus på innfasing av velferdsteknologi i kommunane. Ho peika på at utbygging av fibernettet og digital motorveg gjer situasjonen gunstig for utvikling av velferdsteknologi i Radøy. Fauskanger peika også på at det er eit stort info-behov knytt til velferdsteknologi. Kommunane i velferdsteknologi-prosjektet samlast til konferanse på Nordhordland folkehøgskule 7. november.

Rådet tok meldingar og referatsaker til orientering, med tillegg sett fram i møtet.

RMNF - vedtak:

Meldingar og referatsaker vert tekne til orientering

Vedlegg:

Statsbudsjettet for kommunane_fylkesmannen i Hordaland
Konferanse Velferdsteknologi 07.11.2017

Radøy kommune

Saksframlegg

Saknr	Utval	Type	Dato
015/2017	Råd for menneske med nedsett funksjonsevne	PS	24.10.2017

Sakshandsamar	Arkivsaknr.:	Dokumentnr.:
Bente Kopperdal Hervik	14/1513	17/12250

Kulturminneplan - høyring

Saksopplysingar:

Bakgrunn

Formannskapet vedtok i møte 7. september sak 048/2017 å leggja kulturminneplan for Radøy kommune 2017-2027 ut på høyring og offentlig ettersyn.

Vurdering

Det er eit ynskje frå Riksantikvaren å styrka kompetansen om kulturminne i kommunane og få betre oversikt over verneverdige kulturminne. Dei har difor definert ei målsetjing om at 90 % av kommunane skal ha ein kulturminneplan innan 2020. I tråd med dette er det stadig fleire statlege og fylkeskommunane tilskotsordningar som stiller krav om at kommunen har vedteke ein kulturminneplan og prioritert kulturminna i kommunen for at det skal løyvast tilskot til restaurering av kulturminne i kommunen. Riksantikvaren har gjeve tilskot til planarbeidet.

Kulturminneplanen inngår i kommunen sin planstrategi som vart vedtatt hausten 2012 (KS-079/12). I samsvar med planstrategien har kulturminneplanen status som temaplan. For at flest mogleg skal få høve til å koma med innspel i planprosessen, har planarbeidet i denne planen likeveld følgd prosesskrava i plan- og bygningslova som gjeld for kommunedelplanar.

I møte 14. oktober 2014 sak 062/2014 vedtok formannskapet oppstart av planarbeidet. Planprogrammet vart vedteke i kommunestyret 29. januar 2015 i sak 009/2015.

Det har vore sett ned ei administrativ arbeidsgruppe som har hatt ansvar for gjennomføring av planarbeidet. Formannskapet har vore styringsgruppe for planen. Kulturverntenesta i Nordhordland og Hordaland fylkeskommune har bidratt med å skaffa data og kvalitetssikra opplysningar. Lag og organisasjonar og lokalkjende personar har også vore bidragsytarar og delteke på synfaringar. Arne Høyland har vore engasjert til kulturminneregistrering, og fleire frivillige har delteke med å registrera kulturminne. Planarbeidet har vore presentert for eldrerådet og råd for menneske med nedsett funksjonsevne, for sogelaget og frivilligsentralen i løpet av prosessen. Det har vore arrangert to opne kulturminnekveldar.

Målsetjingane for planen:

- leggja grunnlaget for at dei viktigaste kulturminna vert tatt vare på

- setja kulturminnevern på dagsordenen.
 - skapa eit godt grunnlag for ei heilskapleg kulturminneforvaltning ved at den vert nytta i all arealplanlegging og byggesakshandsaming.
 - skapa føreseielege tilhøve for eigarar av kulturminne.
 - auka kunnskapen om og interessa for kulturminne.
 - synleggjera potensiale for bruk av kulturminne som ressurs i samfunnsplanlegginga og til næringsføremål.
- gjennom viktige kulturminne formidla Radøy si historie på ein god måte.

I tråd med ynskje i styringsgruppa er det lagt særleg vekt på formidling, både i utforminga av planen og i tiltaksdelen i handlingsplanen.

Planutkastet har tre hovuddelar. Første del fortel om planen, planarbeidet, føringar som ligg til grunn for planen. Denne delen omhandlar også kriterium for verdisetjing og prioritering av kulturminne og om forvaltning av kulturminna i kommunen. Andre del gjev først eit kort overblikk over historia til kommunen og byggeskikken i området. Her vert også ein del viktige omgrep som vert nytta seinare i planen forklart. Vidare omhandlar denne delen ulike typar kulturminne etter tema, og ein presentasjon av dei kulturminna med høgast kulturminneverdi. Manger, som har vore administrasjonssenter i mange hundre år, er omhandla i eit eige kapittel i denne delen. Tredje del er handlingsplanen som viser korleis kommunen skal arbeida med kulturminnevern i åra framover og kva for tiltak som skal prioriterast i planperioden. Handlingsplanen skal rullerast årleg. Som vedlegg til planen er listene over dei viktigaste kulturminna. Desse listene vert kontinuerleg oppdaterte og rullerte årleg.

Konklusjon

Rådmannen ber Råd for menneske med nedsett funksjonsevne om å koma med uttale til planutkastet.

Rådmannen sitt framlegg til vedtak:

Saka vert lagt fram utan innstilling.

Råd for menneske med nedsett funksjonsevne - 015/2017

RMNF - handsaming:

Rådgevar kultur Bente K. Hervik orienterte om planen og svara på spørsmål. Planen omhandlar faste kulturminne og har ein eigen handlingsdel med konkrete tiltak. Det er gjort ei verdisetjing av kulturminna i planen, rangert i a, b og c-kategori. Handlingsplanen og kategoriane skal rullerast årleg. Kulturminne som er prioriterte vil lettare få offentlege tilskot.

Formidling har ein sentral plass i kulturminneplanen. Rådet peikar på at det er gjort eit veldig godt arbeid med planen, og er opptatt av at planen må ut til flest mogleg.

Rådet for menneske med nedsett funksjonsevne støttar kulturminneplanen slik han ligg føre.

RMNF - vedtak:

Rådet for menneske med nedsett funksjonsevne støttar kulturminneplanen slik han ligg føre.

Vedlegg:

Kulturminneplan - høyring

Heile planen_til høyring

Radøy kommune

Saksframlegg

Saknr	Utval	Type	Dato
016/2017	Råd for menneske med nedsett funksjonsevne	PS	24.10.2017

Sakshandsamar	Arkivsaknr.:	Dokumentnr.:
Arthur Kleiveland	17/1986	17/12406

Universell utforma badeplass

Saksopplysingar:

Det er ein god del fine badeplassar i kommunen, både ved sjø og ferskvatn. Ein del av badeplassane i kommunen er delvis tilrettelagt, men ingen av dei oppfyller krava til universell utforming.

I de vedtekne kommunedelplanen for idrett, friluftsliv og nærmiljø for 2016-2026 vert det peika på behovet for ein badeplass tilrettelagt for rørslehemma. Administrasjonen har sett i gang arbeidet med å sjå på aktuelle stadval for ein universell utforma badeplass. Bergen og omland friluftsråd meiner badeplassen ved Toskavegen og i nærmiljøanlegget ved Nesvatnet – i området bak Radøyhallen, kan vera aktuelle.

Arbeidet er no i gang med å bygga universelt tilrettelagt toalettbygg i nærmiljøanlegget ved Nesvatnet. I området ved Radøyhallen og Nesvatnet er det også bygt tursti som er tilgjengeleg for rullestolbrukarar, og det er bygt gapahuk ved vatnet. Administrasjonen meiner difor Nesvatnet vil vera ein velegna stad for ein badeplass som oppfyller krava til universell utforming.

Rådmannen sitt framlegg til vedtak:

Administrasjonen legg saka fram for Rådet for menneske med nedsett funksjonsevne til drøfting og innspel.

Råd for menneske med nedsett funksjonsevne - 016/2017

RMNF - handsaming:

Kommunalsjef Lisbeth Alvær orienterte om saka. Ho peika på at det i området ved Nesvatnet er bygt gapahuk, og at det er konkrete planar for universelt tilrettelagt toalettanlegg. Det er også bygt universelt turløype hit. Alvær gav uttrykk for at det vil liggja godt til rette for å få på plass ein baderampe for rørslehemma/rullestolbrukarar her.

Rådet er svært positiv til at det vert lagt til rette for ein universell utforma badeplass i kommunen og gav uttrykk for at det fine friluftsområdet ved Nesvatnet (nedanfor Radøyhallen) vil vera ein god plass.

Samtidig vart det peika på at tilkomsten til området kan vera utfordrande for dei som t.d. brukar manuell rullestol. Det vart vidare peika på at trebruene langs vegen kan bli glatte og ser behovet for tiltak for tryggare tilkomst.

Rådet vurderer også om det kan vera aktuelt med synfaring før universell badeplass blir bygt.

Det vart sett fram følgjande fellesframlegg i møtet:

Området ved Nesvatnet (nedanfor Radøyhallen) er den rette plasseringa av ein universelt utforma badeplass.

Rådet vedtok framlegg til vedtak sett fram i møtet.

RMNF - vedtak:

Området ved Nesvatnet (nedanfor Radøyhallen) er den rette plasseringa av ein universelt utforma badeplass.